

**Служба священномученику Петру Новосельскому,
пресвитеру (15 сентября н.ст.)
На Господи, воззвах: стихирь, глас 1.**

Прехвальне священномучениче Петре,/ ты ни темница изнурила есть,/ ни глад уморил,/ ни озлобления и раны смятоша,/ во еже разлучити ты от любви Божия/ и благодарованныя паствы./ Темже Христу, святе, молися/ даровати Церкви нашей// мир и велию милость.

Всехвальне священномучениче Петре,/ от братьей по плоти страдания до крове претерпевая,/ в себе помышлял еси,/ яко Господа ради умерщвляеми есмы/ и несть наша брань противу плоти и крови,/ но к миродержителю тьмы века сего./ Темже Христу, святе, молися,/ даровати земли нашей// мир и велию милость.

Преславне священномучениче Петре,/ ты жертву безкровную/ первее благоговейне совершая,/ послежде, яко всеплодие,/ себе самого в жертву живую принесл еси,/ моля, да простится грех богоборчества народа нашего./ И ныне Христу, святе, молися/ даровати людем российским// мир и велию милость.

Слава, глас тойже:

Церкве Российския славо/ и Отечества нашего украшение,/ священномучениче Петре,/ властью, от Бога тебе данною,/ ругатели безбожныя обличал еси,/ и, яко волки лютыя, от стада твоего отгнал еси/ и диавола посрамил еси,/ кровь же твоя, яко Авелева,/ от земли нашея вопиет немолчно./ Сего ради ходатай на Небеси о нас верен буди// и моли спастися душам нашим.

И ныне, Богородичен: Всемирную славу:

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ наидоша на них священники и воевода церковный, и саддукеи,/ жалеюще си, за еже учити им люди и возвещати о Иисусе воскресение мертвых;/ и возложиша на них руки и положиша их в соблюдение до утрия:/ бе бо вечер уже./ Мнози

же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиереем, и Каиафе, и Иоанну, и Александру,/ и елицы беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беша;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из синагоги изыти,/ стязавшеся ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призавше их,/ заповедаша има отнюдь не проповедати, ниже учить о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, приказавше има, пустиша я,/ ничтоже обретше, како мучити их, людей ради,/ яко вси прославляху Бога о бывшем:/ лет бо быше множае четиридесати человек той,/ на немже бысть чудо сие исцеления.

Деяний святых апостол чтение (глава 4):

Во дни оны, отпущена бывша апостола приидоста ко своим и возвестиста,/ елика к ним архиереи и старцы реша./ Они же, слышавше,

единодушно воздвигóша глас к Бóгу и рекóша:/ Влады́ко, Ты, Бóже, сотвори́вый не́бо и зéмлю и мо́ре и вся, я́же в них,/ Ё́же усты́ Дави́да, о́трока Твоего́, рече́:/ вскúю шата́шася язы́цы и лю́дие поучи́шася тщéтным?/ Предста́ша ца́рие зéмстии,/ и кня́зи собра́шася вкúпе на Го́спода и на Христá Егó./ Собра́шася бо войи́стину во гра́де сем на свята́го О́трока Твоего́ Иису́са,/ Егóже пома́зал еси́,/ Ё́род же и Понти́йский Пилáт, с язы́ки и людьмí израи́левыми,/ сотвори́ти, ели́ка рука́ Твоя́ и сове́т Твой предна́рече́ бы́ти./ И ны́не, Го́споди, при́зри на прещéния их/ и даждь рабóм Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцелéния,/ и зна́мением и чудесе́м бывáти и́менем святи́м О́трока Твоего́ Иису́са./ И помоли́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

На стихóвне стихи́ры, глас 6.

Столп непоколебíмый Ру́сския Цéркве был еси́,/ гонéния лю́тая претерпева́я,/ день и ночь в моли́тве подви́зáлся еси́,/ священномúчениче Петре́,/ огнём ре́вности и ду́хом крóтости/ па́ству твою́ ко Христу́ путево́дя,// тем тя любóвию почита́ем.

Стих: Священни́цы Твоя́ облекúтся в пра́вду// и преподо́бнии Твой́ возра́дуются.

Ве́рен Бóгу и Цéркви был еси́ да́же до сме́рти,/ священномúчениче Петре́,/ ны́не же, с ли́ки новомúченик и испове́дников Росси́йских/ предсто́я Христу́ Царю́,/ моли́ся с ни́ми приле́жно/ дарова́ти нам мир// и ве́лию ми́лость.

Стих: Честна́ пред Го́сподем// смерть преподо́бных Егó.

Душе́вная и телéсная страда́ния твоя́/ и смерть за Го́спода во́льная от безбо́жных/ отверзо́ша ти, свя́те Петре́,/ врата́ жи́зни ве́чныя/ и укрепи́ша бра́тий твои́х испове́дати Христá./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

Сла́ва, глас 4:

А́нгели страда́нием твои́м дивля́хуся,/ и Це́рковь Небе́сная ра́достно
тя при́ят,/ достохва́льне Петре./ Ны́не же, свяще́нней ру́це твои́/ к
Престо́лу Святы́я Трои́цы простира́я,/ помина́й зе́млю Ру́сскую,/ ю́же
возлюби́л еси́,// моля́ о спасе́нии сла́вящих тя благоче́стно.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная,/ и вся́кия ско́рби
изба́ви зе́млю Ру́сскую,/ до́м Твой наре́ченную/ и крове́ми новому́ченик
освяще́нную./ Да не постыди́мся, Влады́чице Держа́вная,/ Ты
призыва́ющии,/ Ты бо еси́ правосла́вных по́мощь,/ ра́дость и покрóв// и
спасе́ние душ на́ших.

Тропа́рь, глас 3:

Це́ркве Ру́сския сто́лпе непоколеби́мый,/ благоче́стия пра́вило,/ **жи́тия ева́нгельскаго о́бразе,/ священному́чениче Петре,/ Христа́
ра́ди пострада́вый да́же до кро́ве,/ Егóже моли́ усер́дно,/ я́ко
Нача́льника и Соверши́теля спасе́ния,/ Русь Святу́ю утверди́ти в
Правосла́вии// до сконча́ния ве́ка.**

НА УТРЕНИ

По стихосло́вии седа́лен, глас 6:

Сквозе́ огонь муче́ния, я́ко свиде́тель ве́рный, проше́л еси́,/ блаже́нне
Петре,/ сего́ ра́ди с ли́ки святы́х земли́ Ру́сския/ в Небе́снем Оте́честве
торжеству́еши./ Помози́ и нам бы́ти ве́рным Христу́ и спастися душа́м
на́шим.

Сла́ва, и ны́не, Богоро́дичен:

О Всепе́тая Де́во,/ Ты ве́мы Покрóв земли́ Ру́сския,/ Тебе́ бо, грешни́и,
има́мы предста́тельство,/ Тебе́ стяжа́хом в на́пастех спасе́ние,/ Еди́ну
Всенепоро́чную.

Величание:

Велича́ем тя,/ священномучениче Петре,/ и чтим честна́я страда́ния твоя́,/ я́же за Христа́ во утвержде́ние на Руси́ Правосла́вия// претерпе́л еси́.

Псалом избранный:

1-й лик: Бог нам Прибе́жище и Си́ла.

2-й лик: Го́споди, воздвигни си́лу Твою́ и прииди́, во е́же спасти́ ны.

1-й лик: Глаго́лах о свиде́ниях Твои́х пред ца́ри и не стыдя́хся.

По полиеле́и седа́лен, глас 1:

До́блйи страда́льче и служи́телю Та́ин Бо́жих,/ священномучениче Петре,/ Це́ркве Ру́сския похвало́ и утвержде́ние,/ ны́не, пра́зднующе твою́ па́мять,/ Бо́гу, просла́вльшему тя, благода́рственно вопие́м:/ сла́ва Да́вшему ти крѣпость во страда́ниях,/ сла́ва Венча́вшему тя,/ сла́ва Спа́сющему нас твои́ми моли́твами.

Сла́ва, и ны́не, Богоро́дичен:

Предста́тельнице те́плая и Засту́пнице усер́дная,/ в го́ди́ну безбо́жия от конѣ́чныя поги́бели/ зѣмлю Ру́сскую изба́вльшая всемо́щным ходата́йством к Сы́ну Твоему́,/ и ны́не не оста́ви нас моли́твами Твои́ми, Влады́чице Богоро́дице.

Степе́нна, 1-й антифо́н 4-го гла́са. **Прокі́мен, глас 4: Прои́дохом сквозе́ огнь и во́ду,// и извѣл еси́ ны в поко́й.** Стих: Разже́гл ны еси́, я́коже разжиза́ется сребро́. Всякое дыха́ние: Ева́нгелие от Матфе́я, зача́ло 36.

По 50-м псалме́ стихира, глас 6:

Егда́ попусти́ Госпо́дь по грехо́м на́шим/ братоуби́йство, гоне́ния и ве́ры Христо́вы поруга́ние,/ ты, священномучениче Петре,/ Це́ркве Росси́йския столп непоколеби́мый яви́лся еси́/ и, кровь свою́ за Христа́ проли́яв,/ па́ству во еди́нстве соблю́л еси́./ Ны́не же, на Небеси́ предсто́я с ли́ки новомучеников,// моли́ спаст́ися душа́м на́шим.

Канѡн, глас 4.

Песнь 1

Ирмѡс: Мѡря чермнѹю пучѣну/ невлѣжными стопѣми/ дрѣвний пешешѣствовав Израѣиль,/ крестообразными Моисѣевыми рукѣми// Амалѣкову силу в пустыни победѣл естъ.

Воли Бѡжией послушлив быв,/ священства дар приѣл еси, священномѹчениче Петре,/ и, за Христа да́же до смѣрти пострадав,/ вѣрный сын Цѣркве явился еси.

Изгнание и разлучение с па́ствою твоѣю мѹжественне претерпѣл еси, священномѹчениче Петре,/ но ничтѡже возмо́же разлучи́ти тя от любве́ Бѡжия.

Безбѡязненно проповѣдовал еси лю́дем покая́ние, священномѹчениче Петре,/ да обратѣт сердца́ своя́ к Бѡгу/ и то́кмо на Него́ в скорбех и лишѣ́ниях упова́ние ѣмут.

Богорѡдичен: Ма́ти Бѡжия,/ дом Твой, Свята́я Русь, мо́лит Тя:/ изба́ви лю́ди Твоя́ от вся́кия нѹжды и вѣчнаго осужде́ния.

Песнь 3

Ирмѡс: Веселѣтся о Тебѣ Цѣрковь Твоя́, Христѣ́, зовѹщи:/ Ты моя́ крѣпость, Го́споди,// и прибѣжище, и утвержде́ние.

Егда́ приѣде испытѣ́ние вѣры твоеѣ́, священномѹчениче Петре,/ страда́ние за Христа́, я́ко благодѣ́тный дар, приѣл еси́/ и кро́вию твоѣю Ру́сскую зе́млю обагри́л еси́.

Егда́ приѣде гонѣ́ние от безбѡ́жных,/ столп непоколебѣ́им Ру́сския Цѣркве явился еси́, священномѹчениче Петре,/ святы́х, я́ко блі́жних срѡ́дник, в по́мощь призыва́я,/ с ни́миже кѹпно ны́не прославля́ешися.

А́ще и умерщвлѣ́н был еси́ те́лом, священномѹчениче Петре,/ о́баче дѹхом ко́зни диавольския́ посрамѣ́л еси́,/ имѣ́я Христа́ прибѣжище и утвержде́ние.

Богорóдичен: Тя Предстáтельница, Пречíстая Дéво, мо́лим:/ преложи́ на́шу печа́ль на ра́дость и ско́рби належа́щая изба́ви, Засту́пнице на́ша.

Седáлен, глас 3:

Завéты исповéдников и священномúчеников Христóвых восприём,/ ду́шу твою́ за véру Правосла́вную положи́л еси́, свя́те,/ ёюже утвержда́ется земля́ Rúсская./ Сего́ ра́ди моли́ся, священномúчениче Петре,/ любóвию чту́щим тя véрным Христú до конца́ бы́ти.

Сла́ва, и ны́не, Богорóдичен:

Не íмамы ина́го прибе́жища, ра́зве Тебе́, Богорóдице,/ Оте́чества на́шего усéрдная Засту́пнице:/ всяк бо, почита́й Тя, наде́жду обрета́ет.

Песнь 4

Ирмо́с: Вознесе́на Тя ви́девши Цéрковь на Кресте́,/ Со́лнце Пра́ведное,/ ста в чи́не своём,/ досто́йно вызы́ающи:// сла́ва си́ле Твоёй, Го́споди.

Да не дерза́ют язы́цы рещи́: где есть Бог ваш?/ Кровь бо новомúчеников от земли́ на́шея вопиёт:/ Го́споди, Госпо́дь наш, я́ко чу́дно и́мя Твоё по всей Rúссей земли́.

И́мже о́бразом жела́ет елeнь на исто́чники водны́я,/ си́це ты, страстоте́рпче Петре, к живонóсным страда́нием за Христа́ прите́кл еси́,/ и́миже при́сно свяще́нно обновля́ется лице́ земли́ Rúсская.

Вся земна́я ни во что вмени́в Христа́ ра́ди,/ сло́вом и жити́ем, священномúчениче Петре, véрных поуча́л еси́:/ о Бо́зе сотвори́м си́лу,/ и Той уничи́жит стужа́ющая нам.

Богорóдичен: Стена́ необори́мая и Покро́в всемо́щный Росси́йским новомúчеником яви́лася еси́, Пресвята́я Дéво,/ те́мже Тя велича́ем.

Песнь 5

Ирмо́с: Ты, Го́споди мой,/ Свет в мир пришёл еси́,/ Свет Святы́й, обраща́й из мра́чна неведeния// véрою воспева́ющая Тя.

Яко луч Сѡлнца Правды явился еси, священномучениче Петре,/ и страданьми твоими мглу безбожия над Отечеством нашим разсѣял еси.

Егда безбожнии тщахуся сокрыти тя в темнице, священномучениче Петре,/ Господь яви тя исповѣдника Своего всем концем земли Русския.

Русския Цѣркве свѣтильниче священный Петре,/ кровьми мученическими неугасимо светяй и у Престола Божия предстоай,/ молися о чтущих тя.

Богородичен: Иже от Дѣвы неизреченно рождѣйся, Господи,/ сохрани молитвами Ея Цѣрковь Твою,/ Тебѣ славящую православными гласы.

Песнь 6

Ирмос: Пожру Ти со гласом хвалѣния, Господи,/ Цѣрковь вопиет Ти,/ от бесовския крове очищися/ ради милости от ребр Твоих// истекшею Кровию.

Восприим меч духовный, иже есть глагол Божий,/ безбожных козни сокрушил еси, священномучениче Петре,/ и вся разжѣнныя стрѣлы лукаваго угасил еси щитом веры Православныя.

Во священницех благочестно пожив и мучѣния путь терпеливо восприим,/ сугубую мзду на Небесех обрел еси, священномучениче Петре,/ идеже евангельски присно радуешься и веселишися.

Ничтоже возможе разлучити тя, богоприятне, от любви Христовы:/ ни скорбь, ни гонѣние, ни смерть,/ вся бо сия силою Возлюбльшаго тя Господа препобедил еси, священномучениче.

Богородичен: Поѣм Тя, Предстательнице теплая и Заступнице христиан, Богородице Всепетая,/ яко со всеми святыми земли Русския молиши Сына Твоего и Бога нашего/ обрести нам велию милость.

Конда́к, глас 2:

Восхва́лим, ве́рнии,/ изря́днаго во свяще́нниках/ и сла́внаго в му́ченицах Петра,/ Правосла́вия побóрника и благоче́стия ревни́теля,/ земли́ Ру́сская красное прозябе́ние,/ иже страда́нием Небесе́ дости́же/ и та́мо те́пле мо́лит Христа́ Бо́га// спасти́ся душа́м на́шим.

Ўкос:

Красу́йся и лику́й, Це́рковь Ру́сская,/ я́ко благопло́дная лоза́ свяще́ннаго страда́льца израсти́вшая,/ добропобéдным муче́нием сердца́ ве́рных укрепившаго,/ за́поведи Господни испóлнившаго и прісно ева́нгельски учи́вшаго:/ прииді́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в геéнне./ Те́мже, священномучениче Петре, моли́ Христа́ Бо́га спасти́ся душа́м на́шим.

Песнь 7

Ирмо́с: В пе́щѣ авраа́мстии о́троцы перси́дстей,/ любóвию благоче́стия па́че,/ неже́ли пла́менем, опаля́еми, взыва́ху:// благослове́н еси́ в хра́ме сла́вы Твоея́, Го́споди.

Я́ко три́е о́троцы, в пе́щѣ вавило́нстей пла́менем объ́ятии, моли́твою не сгара́ху,/ та́ко ты, священномучениче Петре, во о́гнь муче́ний благода́тию ве́ру сохра́нил еси́./ Сего́ ра́ди ны́не с новомученики Росси́йскими лику́еши:/ благослове́н еси́, Бо́же отце́в земли́ на́шей.

Я́коже дре́вле о́троцы, в пе́щѣ неопалѧеми, златóму истукáну не поклоні́шася,/ та́ко же и ты, священномучениче Петре, о́гнем муче́ний неопалѧе́мь,/ безбо́жие небо́язненно облича́л еси́, взыва́я с новомученики Росси́йскими:/ благослове́н еси́, Бо́же отце́в земли́ на́шей.

Же́ртву живу́ю и всесо́жже́ние Творцу́ себѣ са́маго прино́ся, священномучениче Петре,/ с новомученики Росси́йскими воспева́л еси́:/ могу́щии, пока́рѧйтесь, я́ко с на́ми Бог отце́в земли́ на́шей.

Богорóдичен: Яже пáче умá и естества́ Бóга рóждши,
Неискусомúжная Марíе,/ чтúщия Тя от враг вíдимых и невíдимых
избáви,/ Ты бо есí земли́ отцév нáших Держáва необорíмая.

Песнь 8

Ирмós: Рúце распростér, Даниíл/ львов зия́ния в рóве затчé;/
огненную же сíлу угасíша,/ добродéтелию препоя́савшеся,/ благочéстия
рачíteли óтроцы, взывáюще:// благословíte, вся дела́ Госпóдня, Гóспода.

Зéмлю Рýсскую, безбóжными гонéнии нещáдно жегóмую,/ слезáми и
кровьмí тво́ими напо́йл есí, священномúчениче Петре,/ сего́ рáди плодý
вéры, ча́да церкóвная, возра́стíл есí.

Злóбы мучíteлей не убо́ялся есí,/ огнём любвé Божéственныя тýя
препобедíв,/ тёмже благодáть молíтися о нас стяжáл есí,
священномúчениче Петре, достохвáльне.

Благословля́я гонíteлей тво́их, блажénне Петре,/ усérдно моли́лся
есí за них,/ да пока́ются и кúпно с вёрными брáтиями благословя́т
Гóспода.

Богорóдичен: Христá зря́щи умерщвля́ема, Многопéтая Влады́чица,/
и вíдящи исполнéние Сímeонова проречéния, слезя́щи взывáше://
благословén есí, Бóже, во вéки.

Песнь 9

Ирмós: Ка́мень нерукосéчный/ от несекóмыя горý, Тебé, Дéво,/
краеугóльный отсечéся,/ Христós, совокупíвый разстоя́щаяся естества́.//
Тем, веселя́щеся, Тя, Богорóдице, велича́ем.

Рукáми беззакóнных убиén,/ жéртва благоприятная и вóльное
заколéние Бóгу принéслся есí, святче Бóжий Петре./ Тем благодарне
па́мять твою́ почита́ем.

Госпóдь, исполня́я смотре́ние Своё о Цérкви Рýсстей,/ застúпника тя,
священномúчениче Петре, соде́ла./ Тёмже моли́ся Емú, во благочéстии
нам пребывáти и спаст́ися душáм нáшим.

О бездна бла́гости Бо́жия!/ Дарова́ бо Бог возлю́бленным Свои́м ве́ры ра́ди пострада́ти/ и ты, священномучениче Петре,/ я́ко плод кра́сный спаси́тельного се́яния, избра́ от земли́ Ру́сския.

Богоро́дичен: Разори́ сове́ты вся, на ны воору́женные, Ма́ти Бо́га Вы́шняго,/ и ра́дости испо́лни упова́ющия на Тя,/ да усер́дно вси Твое́ пропове́дуем заступле́ние.

Свети́лен:

Па́ству хлѣбом сло́ва Бо́жия насыща́я/ и вино́м премудро́сти свяще́нныя напо́яя,/ тепло́ю любви́ твое́я да́ры сия́ раство́рил еси́, священномучениче Петре./ И ны́не вы́соким пропове́данием веще́аши ча́дом Це́ркве Ру́сския:/ присту́пите ко Го́споду, и просвети́теся,/ и ли́ца ва́ша не посты́дятся.

Сла́ва, и ны́не, Богоро́дичен:

О Тебе́ мы хва́лимся, Богороди́тельнице,/ и к Бо́гу Тя и́мамы Предста́тельство,/ прости́ ру́ку Твою́ необори́мую/ и сокруши́ враги́ Це́ркве Ру́сския.

На хвали́тех стихи́ры, глас 4.

Дал еси́ зна́мение/ земли́ Ру́сстей, Го́споди,/ священномученика, уго́дника Твоего́, Петра,/ я́ко да тем умоле́н быва́я,/ отврати́ши пра́ведный Твой гнев,/ и не поги́бнет свята́я/ и боголю́бивая Русь// предста́тельством но́ваго страстоте́рпца.

Же́ртву хвале́ния/ при́сно Го́сподеви прино́ся,/ священномучениче Петре,/ в ко́нec са́маго себе́/ в же́ртву жи́ву и свя́ту,/ благоуго́дну и соверше́нну предста́вил еси́,/ те́мже ти ве́рно вопие́м:/ благоприя́тны сотвори́ моли́твы на́ша// о благостоя́нии Це́ркве Ру́сския.

Предста́телю Це́ркве Ру́сския,/ священномучениче Петре всехва́льне,/ ви́ну зряи Ли́це Го́спода на Небесе́х,/ не прѣзри ни еди́наго/ от ма́лых чад ея́,/ но ра́достно пока́яние на́ше приими́/ и моли́ при́сно// сыно́вом Росси́йским спасти́ся.

Сла́ва, глас 8.

О, пресла́внаго чудесе́!/ Яко крин посреде́ térния,/ в страда́ниях за Христа́ процвёл еси́, священномучениче Петре,/ да не затми́тся в земли́ на́шей свет Правосла́вия/ во открове́ние язы́ком и сла́ву наро́да Ру́сского./ И ны́не, в селéниях ра́йских пребыва́я,/ неувяда́емо благоуха́еши// ве́ре твоёй подража́ющим.

И ны́не, глас и подóбен то́йже:

О, пресла́внаго чудесе́!/ Небесе́ и земли́ Цари́ца,/ от святы́х срóдников на́ших умоля́емая,/ до ны́не зéмлю Ру́сскую покрыва́ет/ и ли́ка Своего́ изображе́нии ми́лостивно обога́щает./ О Влады́чице Держа́вная!/ Не преста́ни и на бу́дущее вре́мя/ во утвержде́ние на Руси́ Правосла́вия// ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

НА ЛИТУРГИИ

Блаже́нна от канóна, пёснь 3-я и 6-я.

Прокі́мен, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апо́стол к Ри́мляном, зача́ло 99.

Аллилу́ия, глас 2: Свяще́нницы Твой облеку́тся в пра́вду, и преподо́бнии Твой возра́дуются. Стих: Бог нам Прибе́жище и Си́ла, Помо́щник в ско́рбех, обрётших ны зело́.

Ева́нгелие от Луки́, зача́ло 106. Конёц: В терпе́нии ва́шем стяжи́те душа́ ва́ша.

Прича́стен: В па́мь вéчную бу́дет пра́ведник:

Моли́тва

О избра́нниче и уго́днике Христóв, священномúчениче Петре, Це́ркве Рýсския сто́лпе непоколеб́имый, земли́ на́шея благо́е прозяб́ение и кра́сный плод, сродни́ков твои́х предста́телю и наста́вниче! Ты во вре́мя гоне́ния безбо́жнаго от сокрови́щницы душі́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далéче отгоня́я. Ны́не у́бо при́зри на нас, недостóйных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утешитель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, যাко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.